



PREZIDÊNCIA KONSELLU MINISTRUS

VI GOVERNUN KONSTITUSIONÁL

DÍLI, LORON 22 FULAN-DEZEMBRU TINAN 2015

KOMUNIKADU IMPRENSA

Sorumutuk Konsellu Ministrus nian iha loron 22 fulan-dezemburu tinan 2015

Konsellu Ministrus hala'o sorumutuk iha tersa ne'e, loron 22 fulan-dezemburu tinan 2015, iha sala sorumutuk iha Palásiu Governu, iha Dili, no aprova ona:

1. Rezolusaun Governu nian kona-ba fó rai ba konstrusaun kompleksu oteleiru ida

Governu fó ba Pelican Paradise Holdings Timor-Leste direitu superfísie nian ba rai ida iha Tasi Tolu atu dezenvolve projetu investimentu nian. Empreza internasionál ne'e, ho nia sede iha Singapura, sei harii no esplora kompleksu oteleiru fitun lima nian ida, ho investimentu ida ho osan maizomenus dolar amerikanu millaun 310.

Projetu ne'e apresenta ona ba Governu Konstituisaun V, iha sorumutuk estradordinária Konsellu Ministrus nian iha loron 21 fulan-novemburu tinan 2014, no inklui otél ida ho kuartu 464, ne'ebé projetada atu kompete ho otél fitun lima sira ne'ebé di'ak liu iha rejaun ne'e, entre instalasaun sira seluk ne'ebé iha kualidade no potenciál turístiku ne'ebé boot.

Formasaun rekursus umanus no kriasaun empregu hanesan prioridade ba investidor ne'e, ne'ebé prevé, iha faze konstrusaun nian, kria postu serbisu diretu besik rihun ida atus lima. no bainhira kompleksu ne'e hahú funsiona ona, investidór prevé sei kria no mantein postu serbisu nian hamutuk rihun ida atus tolu.

Konsellu Ministru analiza ona mós:

1. Polítika Nasionál Juventude nian

Sekretáriu Estadu Juventude no Desportu nian apresenta ona ba Konsellu Ministrus Polítika Nasionál Juventude nian foun, iha ne'ebé deskreve kona-ba dezafiu sira, objetivu sira no projetu Estadu nian ba setór ida ne'e, ne'ebé maka abranje populasau boot liu iha Timor-Leste. Ba elaborasaun dokumentu



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

ne'e nian, Sekretaria Estadu konta ho partisipasaun ne'ebé boot husi juventude nasionál. Atu fó hanoin fila-fali katak Governu Konstitusionál VI tau ona Juventude hanesan alvu prinsipál ida mós husi polítika públika sira husi ho ninia programa, hodi subliña katak futuru Timor-Leste nian la bele haketak husi futuru ninia juventude nian.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608